

Die Wöt is' a Wähnsinn

Text & Musik: Andre Blau

E – E4 **fis** **H7** **E**
 Des Jähr hât zwölf Monat, a Tåg hât 24 Stund,
E – E4 **fis** **H7** **E**
 wänn's blitzt hât's schnell amoi dunnat und a Bier zum Ess'n is' g'sund.

E – E4 **fis** **H7** **E**
 Månche Stund' hât zu vü Sekund'n und ma känn's gâr net richtig vertei'ln,
E – E4 **fis** **H7** **E**
 månche Liada san afâch nur Wund'n, die a mit die best'n Noten net verheil'n.

E **A** **H** **E**
Ref.: Die Wöt is' a Wähnsinn, und du bist wâhnsinnig frei,
E **A** **H** **E**
 du bist ka Chef und ka Hackler, du bist afâch nur dabei...

A Idee hât kane Finger und a Hând mâcht von Haus aus nu ka Faust,
 zum Vasteh' muasst net schrei'n und net singa, und es nutzt a nix, wänn'st auf's Tischerl haust.

A Kirtåg mâcht lãng nu ka Kirch'n und ka Kirch'n is' für'd Ewigkeit baut
 a Engel is' månchmoi nur a ârma Teifi, der si' net „Scheiß drauf!“ sâg'n traut

Ref.: Die Wöt is' a Wähnsinn, und du bist wâhnsinnig frei,
 du bist ka Engel und ka Teifi, du bist afâch nur dabei...

Da Zuan is' nur Freud' im Retourgãng, bevorst Gas gibst, bleib doch liaba steh'
 vasteck dei' Lãch'n nie hinter an Vuahãng, låß es jed'n Tåg auf die Gãss'n geh'.

Die Zeit is' a Gummi mit Noppen, wänn ma's hât, wänn ma's braucht, is' es schee,
 und wãnn'st allan bist, dãnn mãch da an Luftballon draus, a biss'l bled sei' g'hört a zum Leb'n.

Ref.: Die Wöt is' a Wähnsinn, und du bist wâhnsinnig frei,
 du bist ka Löwe und ka Meersau, du bist afâch nur dabei...

Da Tod is' a Uhr ohne Zager, sie tickt und sie zagt doch nix ân.
 Sie hãngt auf an Bãnhof, tiaf drin in dei'm Kopf; wãnn da Zug kummt, waaß kana genau.

Die Ångst sitzt daneb'n, in an Wãrteraum, auf ihr'n Schoß a Teifi mit dei'm G'sicht.
 Doch du waaßt, jeder Teife is' a Engel âm fãlsch'n Plãtz, drum steh auf und fliag in a neiche G'schicht.

Ref.: Die Wöt is' a Wähnsinn, und du bist wâhnsinnig frei,
 du bist ka Teifi und ka Engel, du bist afâch nur dabei...

Ref.: Die Wöt is' a Wähnsinn, und mir san wâhnsinnig frei,
 mir san kane Teifin und kane Engel, mir san afâch nuuuuuuur dabei...